



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 01-03/02-04-2435-72/23
Sarajevo, 20.2.2023. godine

SKUPŠTINA KANTONA SARAJEVO
n/r Okerić Elvedina, predsjedavajućeg Skupštine Kantona Sarajevo

PREDMET: Odgovor na zastupničko pitanje. dostavlja se

Cijenjeni,

Zastupnik u Skupštini Kantona Sarajevo **Damir Marjanović** je na Trećoj radnoj sjednici Skupštine Kantona Sarajevo, održanoj dana 27.1.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20, 14/20, 16/22 i 17/22-Ispravka), uputio **zastupničko pitanje:**

„U pripremi kurikularne reforme za osnovno obrazovanje u Kantonu Sarajevo su napisani predmetni kurikulumi-ko su ljudi koji su radili na njima i kolike su honorare dobili za taj rad?;

Nakon izrade predmetnih kurikuluma kreirani su timovi/komisije za izradu akata, za edukaciju nastavnika, itd. Koliko grupa ovakvih timova ili komisija je osnovano nakon izrade predmetnih kurikuluma, a u okviru reforme?;

Ko su članovi tih timova/komisija i kako su odabrani, da li su s njima potpisani ugovori i ako jesu, na koji period i kolike honorare dobivaju članovi svake od tih timova/komisija? ”

Odgovor:

Cijenjeni,

Na postavljeno zastupničko pitanje zastupnika u Skupštini Kantona Sarajevo, Damira Marjanovića, dostavljamo odgovor kako slijedi:

- *„U pripremi kurikularne reforme za osnovno obrazovanje u Kantonu Sarajevo su napisani predmetni kurikulumi-ko su ljudi koji su radili na njima i kolike su honorare dobili za taj rad?“*

Kurikularna reforma u školama na području Kantona Sarajevo od školske 2022/2023. godine implementira se u I i V razredu osnovne škole za sve nastavne predmete, a u VI, VII i VIII razredu za predmete koji su prvi put zastupljeni u nastavnom planu i programu, kao i za sve

predmete I razreda gimnazije i sve općeobrazovne predmete u tehničkim i stručnim školama I razreda.

Pravo prijave za člana Tima za izradu predmetnih kurikuluma koji nisu završeni u prethodnom sazivu, imali su svi nastavnici/e putem obrasca *Prijave*, koji se mogao preuzeti na web stranici Ministarstva za odgoj i obrazovanje Kantona Sarajevo ili putem online platforme www.kurikulum.gov.ks.ba. Predmetni kurikulumi su pisani na osnovu Zajedničke jezgre nastavnih planova i programa sa definisanim ishodima učenja, uz poštivanje ciklusa obrazovanja te su u skladu sa tim birani i članovi predmetnih grupa, prateći razvojnost predmeta, a ne nivo izučavanja predmeta.

Članovi Tima za izradu predmetnih kurikuluma angažovani su putem Javnog poziva koji je objavljen na web stranici Ministarstva 5.1.2022. godine, i to za:

3. Njemački jezik – 8 članova
4. Francuski jezik – 3 člana
5. Turski jezik – 4 člana
6. Arapski jezik – 4 člana
7. Italijanski jezik – 4 člana
22. Građansko obrazovanje/Demokratija i ljudska prava – 3 člana
23. Islamska vjeronauka, Pravoslavna vjeronauka, Katolički vjeronauk – po 3 člana.

Angažman i naknada članova stručnih timova je definisan ugovorom o djelu, a iznosi naknade su:

- za nastavni predmet Njemački jezik na izradi kurikuluma za osnovnu i srednju školu angažovano je 7 članova od planiranih 8, sa naknadom u neto iznosu od po 800.00 KM;
- za nastavni predmet Francuski jezik na izradi kurikuluma za osnovnu i srednju školu angažovana su 2 člana od planiranih 3, sa naknadom u neto iznosu od po 1.000.00 KM;
- za nastavni predmet Turski jezik na izradi kurikuluma za osnovnu i srednju školu angažovana su 2 člana od planiranih 4, sa naknadom u neto iznosu od po 1.000.00 KM;
- za nastavni predmet Arapski jezik na izradi kurikuluma za osnovnu i srednju školu angažovana su 3 člana od planiranih 4, sa naknadom u neto iznosu od po 1.000.00 KM;
- za nastavni predmet Italijanski jezik na izradi kurikuluma za osnovnu i srednju školu angažovana su 2 člana od planiranih 4, sa naknadom u neto iznosu od po 1.000.00 KM;
- za nastavni predmet Građansko obrazovanje/Demokratija i ljudska prava na izradi kurikuluma za osnovnu i srednju školu angažovana su 3 člana, sa naknadom u neto iznosu od po 400.00 KM;
- za nastavni predmet Islamska vjeronauka na izradi kurikuluma za osnovnu i srednju školu angažovana su 3 člana, sa naknadom u neto iznosu od po 800.00 KM;
- za nastavni predmet Pravoslavna vjeronauka na izradi kurikuluma za osnovnu i srednju školu angažovana su 3 člana, sa naknadom u neto iznosu od po 800.00 KM;
- za nastavni predmet Katolički vjeronauk na izradi kurikuluma za osnovnu i srednju školu angažovana su 3 člana, sa naknadom u neto iznosu od po 800.00 KM.

- „Nakon izrade predmetnih kurikuluma kreirani su timovi/komisije za izradu akata, za edukaciju nastavnika, itd. Koliko grupa ovakvih timova ili komisija je osnovano nakon izrade predmetnih kurikuluma, a u okviru reforme?“

U svrhu pružanja podrške implementaciji Nastavnih planova i programa sa definisanim ishodima učenja, odnosno mjerljivim pokazateljima znanja koje je učenik usvojio i provođenju kurikularne reforme u Kantonu Sarajevo od školske 2022/2023. godine, formirano je 29 timova za pružanje podrške implementatorima/realizatorima nastavnog procesa u I i V razredu osnovne škole, VI, VII i VIII razredu gdje se predmeti izučavaju prvi put, kao i u I razredu srednjih stručnih škola i I razredu gimnazije.

- „Ko su članovi tih timova/komisija i kako su odabrani, da li su s njima potpisani ugovori i ako jesu, na koji period i kolike honorare dobivaju članovi svake od tih timova/komisija?“


Članovi Tima za pružanje podrške su imenovani na osnovu navedenih kriterija:

- iskustvo u pisanju ishoda učenja nastavnih predmeta kroz učešće u radu na predmetnim kurikulumima;
- iskustvo u primjeni ishoda učenja kroz Projekat općeg obrazovanja „TABLA“;
- nastavno iskustvo u planiranju, izvođenju i vrednovanju nastavnih predmeta kroz rad u osnovnim školama, srednjim školama za stručno obrazovanje i obuku i gimnazijama;
- razvijene osnovne digitalne kompetencije potrebne za saradnički rad na dokumentima i sudjelovanje u online sastancima;
- naročito izražena sposobnost rada u timu i poštivanje zadanih vremenskih rokova.

Sa angažovanim članovima Tima za podršku implementaciji predmetnih kurikuluma u nastavnom procesu školske 2022/2023. godine, potpisani su ugovori o privremenim i povremenim poslovima na period od četiri mjeseca, sa naknadom od 13 KM mjesečno (neto) po implementatoru.

Javna ustanova Institut za razvoj preduniverzitetskog obrazovanja Kantona Sarajevo će sve materijale nastale radom u Timu po osnovu potpisanih ugovora, nakon isteka perioda na koji se zaključuju, koristiti za obuku i usavršavanje nastavnika u odgojno-obrazovnom procesu.

S poštovanjem,


Naida Hota-Muminović

(Seal of the Ministry of Education and Science of the Canton of Sarajevo)

Dostaviti:

1. naslovu;
2. sekretaru Ministarstva
3. a/a.